




Նկ. 3. Անիի Գաղապալի բուրգի կենդանու քանդակներից

ուսանալ խնամակարի ամբողջական և հարազատ պատկերը: Քե՛զ գտաւ և թե՛ ֆոնի նրկրաշա-
փական ձևերի զարդական հյուսքը հորինված է մասնագիտական հմտությամբ և բարձր նաշա-
կով: Դա ցույց է տալիս, որ X—XIV դարերի քննադրում մեր հարաբարապետական և իսաշրա-
բային հուշարձանների վրա ծագելով այնքան ինքնատիպ և բարձրարժէք արվեստն ունեցել է իր
զարավոր, ավանդական խոր արժանները:

Ա. ՊԱՏՐԻԿ

ԱՐՏԱՎԱՋԻ Ի-ի ՉՈՐԵՔԻՐԱՄՅԱՆԸ

1959 թ. ապրիլի 27-ին, Հայկական ՍՍՏԻ էջմիածնի շրջանի Փարարար գյուղի մոտ, այ-
ժրմյան գինեգործության ինստիտուտի փորձադաշտից մի փոքր արևմուտք, հնամյա շինու-
թյան փլատակների մեջ գտնվեց հայոց թագավոր Արտավազդ II-ի (56—34) մի արձա-
թե գրամ: Շուրջ 2000 տարվա վաղեմություն ունեցող փոքրիկ այս վկայությունը բարե-
բախտաբար շատ լավ է պահպանվել և նրա վրա դրվագված պատկերները, գրությունները,
զարդանշաններն ու խորհրդանշանները դիտվում են հստակությամբ: Այն ներկայումս պահ-
վում է Հայկական ՍՍՏԻ պետական պատմական թանգարանում: Դրամի վրա մենք տեսնում
ենք հետևյալը.

Ա կողմում պատկերված է երիտասարդ Արտավազդը՝ մինչև ուսերը, դեպի աջ նայող
ածիլված կիսադեմքով, գլխին՝ հայկական թագը, թեթևակի կոնաձև, վերևում ավարտված հինգ
ժանիքաձև ճառագայթներով, Թագի կենտրոնական մասը զարդարված է ութ թևանի աստղով,
վերցրված մարգարտաշար քառանկյուն շրջանակի մեջ, որի ձախ և աջ կողմերում կա մեկա-
կան բուսական զարդանշան: Ականջակալները վերև են բարձրացված ու շրջված են իրար վրա
հակառակ կողմերից՝ ամրացված ճակատային հատվածում: Արքայի մի քունքից մյուսն անց-
նում է վարսակալ-ժապավենը, որի ծայրերը հանգուցված են ծոծրակին և վզկալի վրայով
ազատ արձակած իջնում են մինչև ուսերը: Արտավազդն ականջին կրում է օղ, վզին՝ երկու
շարք մանյակ, աջ ուսի վրա հանգուցված է արքայական ծիրանին: Թագի և նրա հետ միաց-
ված ինչպես վզկալի, այնպես էլ վերև բարձրացած ականջակալների երիզները զարդարված
են մարգարտի հատիկներով: Բարձրաքանդակ այս պատկերը վերցված է երկարավուն ու-
լունքներից բաղկացած շրջանակի մեջ: Թ կողմում պատկերված է արշավող քառաձի մար-

1 Դրամագյուտին վերաբերող մանրամասնությունները տե՛ս «Երևան» թերթի 1959 թ.
№ 97-ում, ինչպես նաև «Коммунист» թերթի 1961 թ. № 161-ում:


2 Հայաստանի պատմության պետական թանգարան, դրամագիտության բաժին, № 17579:

տակառք, որի վրա կանգնած է մարդկային մի կերպարանը՝ դիրին՝ ճառագայթաձև պտակ, բռնած ձիերի սանձը, ուղղությունը դեպի ձախ։ Արձանագրությունը՝ վերևում ΒΑΣΙΛΕΩΣ և

ΒΑΣΙΛΕΩΣ, **Ներքևից** ΑΡΤΑΓΑΖΔΕΩ և ΘΕΙΟΥ, **ձիերի առջևում մենագիրը՝**



որի տակ՝ IH զրեբր։ Այս ամենը վերցված է 13 խոշոր բուլբուլյան հատիկներից բաղկացած շրջափակ պտակի մեջ, որի ծալքերը ներքևում միացված են երկու երկարափուն ողակներով։



Արտավազդ II-ի շորեքդրամյանը (բնական մեծություն)

Դրամը բարձր որակի արծաթից է, կշիռը՝ 14,85 գրամ, տրամագիծը՝ 27—28 միլիմետր, հաստությունը՝ 2—2,5 միլիմետր, կնիքների առանցքային հարաբերությունն ուղղված է դեպի վեր ։

Արտավազդ II-ի այս արծաթե դրամն իր կշռային չափով շորեքդրամյան է։ Հայաստանի դրամական տնտեսության մեջ այդ ժամանակաշրջանում ընդունված էր Առաջավոր Ասիայում դեռևս մ. թ. ա. 4-րդ դարի վերջերից լայն տարածում գտած Էվրեյո-Ատտիկյան դրամական սխեմներ։ Վերջինիս սկզբունքով թողարկվում էին ոսկյա, արծաթյա ու պղնձյա դրամներ։ Հիմնական միավորը ոսկու ասպարեզում ստատենն էր 8,60—8,65 գրամ։ Կրկնակի ստատենները և ստատենի ստորարամանությունները ($1/2$, $1/4$, $1/6$, $1/12$ և $1/24$ մասերը) խիստ հազվադեպ էին և շրջանառության մեջ անկցել են առավելագույն հաշվային նշանակություն։ Վաղ հայկական ոսկյա դրամներ, որոնք մեզ հայտնի է, Հայաստանի տեղիտորիայում դեռևս չեն հայտնաբերվել։

Արծաթի շրջանառության մեջ հիմնական միավորը դրամն էր (դրամը), որն այդ նույն սխեմի համաձայն թողարկվում էր 4,36 գրամ քաշով։ Թողարկվում էին մեկ դրամյաններ, երկդրամյաններ, շորեքդրամյաններ, տասըդրամյաններ և արծաթ դրամյանի փոքր մասերը կազմող դրամանիներ^{*}։

Ասորյա առևտրի մեջ առավել գործածական էին գլխավորապես մեկ դրամյաններն ու չորեքդրամյանները, իսկ երկդրամյանները, տասըդրամյանները, ինչպես նաև դրամի ստորադասավոր $1/2$, $1/4$, $1/6$ և ավելի փոքր մասերը խիստ հազվադեպ էին և բնորոշ համարվել չեն կարող։ Հնդկնիստական դարաշրջանում ոսկու և արծաթի փոխհարաբերությունը նշվում է 1:10 չափով, կամ մեկ ոսկյա ստատենը համազոր էր 20 արծաթ մեկ դրամյանի, կամ 5 չորեքդրամյանի։ Ինչ վերաբերում է Ատտիկյան սխեմի մեծ թողարկվող պղնձյա դրամներին, ապա դրան-

* Ատտիկյան սխեմում բարձրագույն դրամական միավորը Տաղանտն էր, որն արծաթ դրամի կշռային հաշվով հավասար էր 6000 դրամայի կամ 60 Մանայի։ Ապրանքափոխանակության մեջ Տաղանտն ու Մանան ունեին լոկ հաշվային նշանակություն։

Արծաթ դրամի փոքր մասերն արտահայտվում էին օլուներով, ընդ որում օլունը կազմում էր դրամի $1/6$ մասը։ Դասակարգվում էին 1, $1 1/2$, 2, 3, 4, 5 օլուներ։ Դրամի տրոհումն առավել փոքր ($1/8$, $1/12$, $1/24$ և $1/48$) մասնիկների, որոնք նույնպես արտահայտվում էին օլունի ($3/4$, $1/2$, $3/8$, $1/4$ և $1/8$) բաժիններով, որոշ դեպքերում հնարավորություն էր ընձևելում գերծ մեալու պղնձյա դրամներ թողարկելուց։

ցից որոշակի են երկու միավոր՝ հարկը և Հեպտան, ըստ որում վերջինս կազմել է խալկի 1/7 մասը:

Պղնձյա դրամների քաշը խիստ փոփոխական էր: Արծաթյա ու պղնձյա դրամների հարաբերությունը նշվում է 1:110, երբեմն 1:40 կամ 1:30 չափերով: Խոշոր առևտրական գործարքները կատարվում էին արծաթյա դրամների ամենատարածված ու մասսայաբար թողարկվող միավորներով՝ դրամյաններով ու շորհրդրամյաններով:

Ներկա դեպքում անհրաժեշտ է նշել այն իրողությունը, որ Արտավազդ II-ի իշխանության տարիներին թողարկված շորհրդրամյաններն արտակարգ հազվագեղ են: Փարաքարի մոտ գտնված այս նմուշն առաջին արձանագրված գլուխն է ոչ միայն Հայկական ՍՍԽ, այլ ամբողջ Սովետական Միության մեջ և, հավանաբար, վերջինիս սահմաններից դուրս:

Համեմատելով այս նորահայտ շորհրդրամյանը Արտավազդ II-ի՝ Հայաստանում գտնված և գրականության մեջ հայտնի արծաթե այլ դրամների հետ, նախ և առաջ կտեսնենք ձևավորման ընդհանրություն, չնայած նիւթների տարբերության: Ընդհանուրն այն է, որ այս դրամի վրա ևս, սակայն առավել հստակ և մեծադիր, Արտավազդը ներկայացված է Արտաշեսյան թագավորության վաղուց հայտնի նշաններով. վարսակալ, թագ, ծիրանի, ականջին՝ օղ, պարանոցին՝ մանյակներ, ըստ որում ցույց են տրված մանյակների երկու շարք՝ ի տարբերություն որոշ օրինակների, որոնց վրա մանյակները օղակում են արքայի պարանոցը երեք շարքով: Ընդհանուր է նաև այն, որ ինչպես միշտ, այնպես էլ այս օրինակում Արտավազդը գլխին կրելով իր հոր՝ Տիգրան Մեծի օրոք արգեն ավարտված ձևով ինքնատիպ հայկական թագը, որը տարբերվում էր ժամանակակից բոլոր թագերից, բարձրացրել է նրա ականջակալները ու ծալել դրանք ճակատային մասում՝ իրար հակառակ ուղղություններով: Այդ ծավաթքը ոչ թե թեքության կամ խաչաձև է, ինչպես Արտավազդի ուրիշ դրամներից գիտենք, այլ ուղիղ գծով, աստիճանական նստվածքով իրար վրա ամրացված: Բարձրացված ականջակալները այս անգամ ևս հնարավորություն են ավելի ցույց տալու հայոց արքայի ականջի օղը և ողջ պարանոցը, որոնք Տիգրան Մեծի դրամների վրա ծածկված էին մնում:

Առավել ուշադրով է մի այլ հանգամանք. ինչպես Տիգրան Մեծի, այնպես էլ Արտավազդ II-ի նախապես մեզ հայտնի բոլոր դրամների վրա, թագի կենտրոնական մասում, արևի խորհրդանշան հանդիսացող աստղաձև զարդի կողքերին աջից ու ձախից նշված են մեկական արժիւ: Այս շորհրդրամյանի վրա, սակայն, այդ նույն տեղում արժիւներ չկան: Դրանք վերացված են, փոխարենը այդ նույն տեղերում նշված են թերևս բուսական (?) ձևի զարդեր, որպիսիք մենք չենք տեսել մեզ հայտնի հելլենիստական շրջանի հայկական և ոչ մի դրամի առաջին կողմի վրա: Քանդակագործը, որ հունական դպրոցի ռեալիստական բարձր արվեստով կերտել է հայոց թագավորի բարձրաքանդակ այս պատկերը՝ արքայական զարդերի մանրամասնություններով, հագիվ թե շկարողանար պետության դերագույն խորհրդանշան հանդիսացող թագի կենտրոնական մասի երկու որոշակի հատվածներից գոնե մեկում, թեկուզ և սխեմատիկ ձևով, ցույց տալ արժիւլը: Մենք չենք կարող տեսել, թե տվյալ օրինակում այդ մասերը ավերված են կամ նշված զարդաձևերը չեն երևում: Ընդհակառակը դրանք դիտվում են, բայց ոչ երբեք արժիւներ կամ թուղնաձև նշաններ, այլ ավելի շուտ բուսական կամ մեղ համար դեռևս անորոշ նախշեր, որոնց վերաբերյալ առայժմ ձեռնպահ ենք մնում որևէ անուն տալուց: Արժիւների վերացումը և նրանց փոխարինումը ուրիշ, իր ժամանակի համար հայտնի, բայց մեզ համար անհայտ, նշաններով, ինքնուրունի որոշակի փոփոխություն է, որ կատարվել է Արտավազդ II-ի օրոք հայկական թագի զարդարանքների մեջ:

Փոփոխություններ նկատվում են նաև դրամի երկրորդ երեսի ընդհանուր կոմպոզիցիայի մեջ: Նախ և առաջ այստեղ չի ներկայացված հաղթանակի աստվածուհու պատկերը, որ պսակ էր մեկնում մարտակառքին կանդնած տղամարդուն՝ հավանաբար Արտավազդին, նրա այլ դրամների վրա: Սակայն այս օրինակում քառաձի մարտակառքի վարողը գլխին կրում է ճառագայթաձև զարդ: Վերջինիս առկայությունը իր վեց աղեղնաձև գծերով, որոնք կենտրոնից տարածվում են դեպի շրջապատը, նման չէ Արտավազդի մեզ հայտնի այլ դրամներից այդ նույն տեղում նշված գլխարկի ձևին: Այստեղ հասկացվում է թերևս ամբողջական մի լուսապսակ, որով զարդարված է մարտակառքի վրա կանգնած մարդկային գլուխը: Բացառված չէ այն հնարավորությունը, որ ներկա դեպքում պատկերված է արևի աստվածության դադափարը: Հելլենիստական էպոխայում արևի կարծեցյալ աստվածը պատկերվում էր քառաձի մարտա-

3 Հ. Վ ա ր դ ա ն Վ. Հ ա ց ու ն ի, Պատմություն հին հայ սարազի, Վենետիկ—Ս. Ղազար, 1923, էջ 65:

կառուով, որով ենթադրվում էր նրա սավառնումը երկնակամարում: Հեթանոսական Հայաստանում արևի աստծու՝ Արեգ-Միհրի պաշտամունքը լայն տարածում ուներ: Արտաշեսյան թագավորները կապում էին իրենց ծագումը Արևի աստծու հետ և համարում էին նրան իրենց հովանավորողը: Մինչդեռ հաղթանակի աստվածուհու իմաստավորված պատկերը րնդհանրապես Արտավազդի դրամների վրա նախասիրված մոտիվ էր, ուստի նրա բացակայությունը այս շորերդրամյանի վրա նկատվում է անմիջապես:

Հայոց միապետը իր այս շորերդրամյանի արձանագրությամբ, հռչակված է ΒΑΣΙΛΕΩΣ ΒΑΣΙΛΕΩΝ (արքայից արքայի) տիտղոսով, որպիսի անունով հայտնի էր նրա հայրը՝ Տիգրան Մեծը:

Արտավազդ II-ի իշխանության տարիներին թեև հիշյալ տիտղոսաձևը վաղուց դադարել էր Արտաշեսյանների մենաշնորհը լինելուց, բայց այն պահպանվել էր ու շարունակում էր տարածվել թողարկվող հայկական դրամներով: Սակայն այս օրինակում արքայի անունը գրված է սեռական հոլովի արխայիկ ձևով՝ ΑΡΤΑΥΑΖΔΕΩ և ոչ ΑΡΤΑΥΑΖΔΟΥ, որպես նրշվում էր սովորաբար: Ընդհանրապես հելլենիստական շրջանի թե՛ հայկական և թե՛ սելևկյան ու պարթևական դրամների վրա միապետների անունները գրվում էին սեռական հոլովի ձևով: Ուշադրության արժանի է նաև այն, որ անմիջապես ΑΡΤΑΥΑΖΔΕΩ անվան տակ գրված է ΘΕΙΟΥ (թեև, ու=աստվածային) բառը, որով և ավարտվում է դրամի երկրորդ կողմի գրությունը արձանագրությունը: Մինչև օրս մեզ հասած հելլենիստական Լպոխայի հայկական դրամներից և ոչ մեկի վրա ΘΕΙΟΥ գրությունը իր այս սեռական հոլովի ածականային ձևով չի տպվել: Այն հանդես է եկել որպես գոյական ΘΕΟΥ, որով և ներկայացված է Տիգրան Մեծին վերագրված պղնձյա դրամի վրա⁴ ու այնուհետև՝ Հայաստանի գահին հռոմեացիների կողմից նշանակված Արտավազդ III-ի (5—2) և Օգոստոս կայսեր պատկերներով արծաթե դրամների վրա⁵, ըստ որում այդ վերջինում ΘΕΟΥ խոսքը վերաբերում էր Հռոմի իշխանությանը: ΘΕΟΥ ΚΑΙΣΑΡΟΣ ΕΥΕΡΓΕΤΟΥ (=աստծո կայսեր բարերարի):

Բացի այս երկու դեպքերից, այդ տիտղոսի գործածման ուրիշ օրինակներ, ըստ որում ΘΕΟΥ ձևով, վաղ հայկական դրամներից մեզ հայտնի չեն: Հարկ է նկատել, որ Հայաստանից դուրս թողարկված, սակայն Հայաստանում շրջանառության մեջ եղած Սելևկյան ու Պարթևական դրամների վրա նույնպես ΘΕΙΟΥ տիտղոսաձևը չի օգտագործվել: Ընդհանրապես Սելևկյան ու Պարթևական խմբի դրամներում թագավորներին վերաբերող տիտղոսները շատ ավելի երփներանգ են եղել, բայց նույնպես միշտ նշվել են գոյականի սեռական հոլովով: Մասնավորապես ΘΕΙΟΥ (— աստծո) բառը սեռական հոլովով արտացոլված է Սելևկյան թագավորության Անտիոքոս I (281—261) Սովետրի⁶, Անտիոքոս IV (175—164) Եպիփանոսի⁷, Ալեքսանդր I (150—145) Բալայի⁸, Դեմետրիոս II-ի (145—140 և 130—125)⁹ ու Դեմետրիոս III-ի (95—88) դրամների վրա¹⁰: Այդ ևն վկայում են պարթևական Տրդատ I (248—210)¹¹, Միհրդատ II (128—88)¹² և Հրահատ III (70—57) թագավորների դրամները¹³:

* С. Н. Соболевский, Древне-греческий язык, Москва, 1948, էջ 30 (II аттическое склонение).

⁴ Henri Seyrig, Tresor monétaire de Nisibe, Paris, 1955, էջ 118 [„Extrait de la Revue Numismatique“, 1955, էջ 85—128]; Georges Le Rider, Monnaies grecques acquises par le Cabinet des Médailles en 1959, էջ 25 [„Extrait de la Revue Numismatique“, 1959—1960, էջ 7—35], Paris, 1960.

⁵ Կ. Յ. Բասմաջեան, Հայկական րնդհանուր դրամագիտություն և Հայաստանի վերաբերեալ դրամներ, Վենետիկ, 1936, էջ 41, նկար № 19:

⁶ M. Ernest Babelon, Catalogue des monnaies grecques de la Bibliothèque Nationale, les rois de Syrie, d'Arménie et de Commagène, Paris, 1890, XLI—XLII.

⁷ Նույն տեղում, էջ XCIII, XCIV, XCVIII, 68—71, 226:

⁸ Նույն տեղում, էջ CXXVI:

⁹ Նույն տեղում, էջ 127, 128, 134—160, 221—224:

¹⁰ Նույն տեղում, էջ 206—208, 229:


¹¹ Alexander R. von Petrowicz, Arsaciden-Münzen, Katalog, Wien, 1904, էջ 199:

¹² Նույն տեղում, էջ 41, № 19, 201:

¹³ Նույն տեղում, էջ 47, № 4, 12, տախտակ № № 13—15:




Արտաշատի II-ի շորեղբայր
(մեծագլուխ 3-րդ դար)



Արձաթի զրամներ. 1. Տիգրան մեծի (95—55), 2. 4. Արտաշատի I-ի (56—34).
(մեծացված 2 անգամ)


Ձուղահեղուներ չենք գտնում նաև Հայաստանից շատ հեռու, հելլենիստական աշխարհի Աֆրիկյան ու Միջինասիական մասերում, մասնավորապես Եգիպտոսում¹⁴ և Բակտրիայում¹⁵ թողարկվող դրամների վրա։ Այդ խմբի դրամներում ևս գործածվել է ՊԷՕՄ՝ ձևը, բայց ոչ երբեք ՊԷԼՕՄ, որպիսին արձանագրված է Արտավազդի այս չորեքդրամյանի վրա։ Հետևապես կարելի է նշել, որ ոչ բուն հայկական և ոչ էլ Հայաստանի հետ առնչվող երկրների անտիկ դրամների վրա ՊԷԼՕՄ բառը ածականի սեռական հոլովով չի ներկայացվել, ուստի Արտավազդի այս չորեքդրամյանը տվյալ իմաստով ևս հետաքրքրական է, ժամանակի բաղաժայթկան լողուններն առավելապես դրամների միջոցով էին հաղորդվում, որոնք անցնելով միլիոնավոր ձեռքերով, շրջանառության մեջ էին գտնվում ոչ միայն այն երկրում, որտեղ թողարկվում էին, այլև միջազգային առևտրի բերումով թափանցում էին տարբեր երկրներ։

Ուշագրավ է նաև այս դրամի մենագիրը։ Ընդհանրապես մենագրի ընթերցումը ամենադժվար խնդիրն է հին դրամների որոշման գործում։ Մինչև օրս մեզ հասած վաղ հայկական դրամների վրա նշված շատ մենագրեր մնում են դեռևս չլուծված հանելուկներ։ Ենթադրվում է, որ որոշ դեպքերում մենագրերով նշանակվել է քաղաքի կամ երկրի, որպես փողերանոցի, անունը։ Տվյալ դրամի վրա մենագիրը շատ լավ է պահպանվել։ Այն բաղկացած է չորս հավասարաչափ գծիկներից, որոնցից երեքը համարյա զուգահեռ, իսկ չորրորդն ուղղահայաց անցնելով առաջինների միջով, բաժանում է նրանց հավասար մասերի, ըստ որում այդ ուղղահայաց գծի վերևից ունի մի խոշոր կետ։ Դրաֆիկ ձևով մենագիրը պատկերված է այսպես՝




Վերջինս իր կառուցվածքի հիմնական զմեռով նմանություն ունի Հայաստանի

տերիտորիայում գտնված Արտավազդ II-ի արծաթ դրամների մենագրերին։ Այսպես օրինակ Սառնակունքի դանձում հայտնաբերված Արտավազդ II-ի դրամները թողարկված են



մենագրով¹⁶։ Այդ նույն ձևի մենագրով Արտավազդ II-ի արծաթ դրամների

եզակի օրինակներ պահվում են պետական էրմիտաժում¹⁷ և Բրիտանական թանգարանում¹⁸։



Դնահատելով այդ

մենագիրը որպես քաղաքի կամ փողերանոցի անունն ար-

տահայտող նշան, տակավին իրրև ենթադրական փորձ, թերևս կարելի է տեսնել նրանում ներկայացված առանձին պրերը։ Այսպես օրինակ.

1. Վերցնել այս մենագրից միայն նրա ուղղահայաց գծիկը վերևում ունեցած գլխի հետ, ապա կերևա P՝ դրի ձևը։

¹⁴ Barclay V. Head, *Historia Numorum*, Oxford, 1911, էջ 851, 852, 853: Եգիպտոսում Պտղոմեոս II (285—246), Պտղոմեոս III (246—221) և Դիոդոտոս V (204—181) թագավորների դրամներում այդ բառը օգտագործվել է ՊԷՕՆ ձևով։

¹⁵ Նույն տեղում, էջ 838.

¹⁶ Ա. Շահնազարյան, Սիսիանի շրջանի Սառնակունք գյուղի մոտ հայտնաբերված դանձր, էջ 12, նշան 51 (Հայաստանի պետական պատմական թանգարանի աշխատություններ 2-րդ հատոր, Երևան, 1942 թ.)։

¹⁷ Государственный Эрмитаж. Рукописный каталог античных монет, № 19417; M. de Bartholomei, *Drachme d'Ardavasde* [Memoires de la société d'archéolog. de Saint-Petersb. t. III, էջ 179—181]; V. Langlois, *Numismatique Générale de l'Arménie*, Paris, MDCCCLIX, էջ 34, pl. III, № 1, M. Ernest Babelon, նշված աշխ., CCIV fig 43.

¹⁸ W. Wroth, C. B. M., *Calatia, Cappadocia and Syria*, London, 1899, էջ 110, 21 նշան, № 2.

2. Նկատի ունենալ միայն վերին հորիզոնական գծիկը և նրան ներքևից միացած ուղղահայացը՝ կտացվի T գրի ձևը:

3. Վերցնելով միայն մենագրի երեք հորիզոնական գծիկները, կունենանք Ξ (քսի) գրի հիմնական ձևը:

Այսպիսով մեռ առաջ րացահայտվում են P T Ξ գրերը, որոնք, հավանաբար, մայրաքաղաք Արտաշատի հունատառ ΑΡΤΑΞΑΤΑ անվան քաղաձայն հնչյուններին համապատասխանող նշանագրերն են: Α ձայնավորը ենթադրվում է յուրաքանչյուր վանկի մեջ: Արտաշատ քաղաքի, որպես փողերանոցի, անունը հին հայկական դրամների վրա հաճախ է նշվել: Սակայն այս ընթերցումը կարող է ընդունելի դառնալ միայն Արտավազդի մեզ հասած բոլոր մենագրերի և դրամներին վերաբերող տոպոգրաֆիկ տվյալների հատուկ քննության հիման վրա, մի խնդիր, որ ենթակա է առանձին ուսումնասիրության:

Քարեքանդակարար հիշյալ մենագրի տակ հստակությամբ պահպանվել են դրամի տարեթիվն արտահայտող III գրերը: Այդ թվանշանները ցույց են տալիս, որ դրամը թողարկվել է Արտավազդի իշխանության 18-րդ տարում, այսինքն մ. թ. ա. 37 թ.: Ընդհանրապես հելլենիստական շրջանի հայկական դրամների վրա տարեթվերը մեծ մասամբ արձանագրվում էին Սելևկյան տոմարի հաշվով: Սակայն Արտավազդ II-ի օրոք դրամի վրա տարեթվի նշման Սելևկյան սկզբունքը րացառվում է:

Ինչպես տեսնում ենք, այսպեղ, ի տարբերություն Սելևկյանների թվականի, տասնամյորը և միավորը դասակարգված են ձախից աջ և ստացել են իրենց պարզ նշանակությունը՝ III=18 որպես տարեթիվ¹⁹: Ժամանակագրման այս ձևը նորություն չէր անտիկ աշխարհի դրամներում: Դեռևս մ. թ. ա. III դարի վերջերիս Առաջավոր Ասիայի որոշ թագավորություններում, մասնավորապես Նեպոտոսում և Կապադոկիայում, դրամների թողարկման ժամանակը նշում էին միապետի իշխանության համապատասխան տարով²⁰:

Հայկական դրամների համար այս գրելաձևը հաստատվում է նաև ուրիշ նորահայտ վկայություններով: Այսպես օրինակ, 1955 թ. Մծրինում գտնված գանձի մեջ հայտնվել են Տիգրան IV-ի դրամներ, որոնց ժամանակը նշված է հայոց արքայի գահակալության 16(1—ς), 30 (Λ) և 41 (Μ—Α) տարիների թվով²¹: Հայկական ՍՍՌ պետական պատմական թանգարանում պահվում է Արտավազդ II-ի մի ուրիշ արծաթ դրամ՝ թողարկված Արտավազդի իշխանության 1ς=16-րդ տարում²²: Դրամագիտությանը վաղուց հայտնի են Արտավազդ II-ի թագավորության վեցերորդ²³ (ς) յոթերորդ²⁴ (Ζ) տարիների արծաթ դրամները:

Անտիկ դրամների ժամանակագրման գործում րազմավաստակ Ա. Ն. Զոգրաֆի հետազոտությունները հաստատել են, որ նմանօրինակ թվանշանները համընկել են իշխող միապետի քահակալության համապատասխան տարուն: Իրոք, ընդունելով այդ ամենը պետք է ենթադրել, որ Արտավազդ II-ի շուրջ քսանամյա թագավորության տարիներին հայոց դրամները ժամանակագրվել են նրա իշխանության համապատասխան տարով, որոնցից մեկն էլ հանդիսանում է այս շորերդրամյանը իր III=18 թվով: Այս վկայությունը միաժամանակ հնարավորություն է ընձեռում վերագնահատելու վաղ հայկական դրամների ժամանակագրման արցը: Միշտ չէ, որ տարեթվերը կարող էին նշվել սելևկյան տոմարի կանոնով:

Ուշագրության արժանի է նաև արձանագրության պալեոգրաֆիան: Մեր այս շորերդրամյանի վրա ներկայացված են հունական այբուբենի 17 գրեր, կատարված ուղիղ գծերի և կետերի

¹⁹ Fr. Schrotter, Wörterbuch der Münzkunde, Berlin, 1930, էջ 753:

²⁰ А. Н. Зорграф, Античные монеты, էջ 87:

²¹ Henri Seyrig, Trésor monétaire de Nisibe. Paris, 1955, էջ 87—88, 113, 116:

²² ՀՍՍՌ պետական պատմական թանգարանի դրամագիտության բաժին, № 8904 (արծաթ № 150):

²³ Նույն տեղում, № 16022 (արծաթ № 8906): H. Seyrig, նշվ. աշխ., էջ 119 (հիշատակվում է Վիեննայի Մխիթարյան միաբանության ժողովածուն և դասական արվեստների հանդեսը, X, 1673):

²⁴ Государственный Эрмитаж, отдел нумизматики, рукописный каталог античных монет № 19417; W. Wroth, C. B. M., Calatia, Cappadocia und Syria, London, 1899, էջ 110:

²⁵ А. Н. Зорграф, սշ. աշխ., էջ 87:

միջոցով: Գրելաձեի այդ, այսպես կոչված՝ խիստ ոճը բնորոշ է եղել առավելապես հելլենիստական ժամանակաշրջանի համար և Առաջավոր Ասիայում լայնորեն արտացոլված է մ. թ. ա. IV—I դարերի սելևկյան ու պարթևական դրամների վրա: Բացառություն է կազմում () (շխարհ) գիրը, որն ավելի արխայիկ ձև ունի:

Դրամի երկու երեսներին նշված երկարավուն ըողորձաձև հատիկներից բաղկացած շրջանակները, որոնցից մեկի մեջ վերցված է Արտավազդի կիսադեմ պատկերը, իսկ մյուսում արձանագրություններն ու արևի աստծո խորհրդանիշ հանդիսացող քառաձի մարտակառքը, անցյալից եկած դարդաձևեր են, որոնք այնքան հաճախ օգտագործվում էին Տիգրան Մեծի դրամների վրա: Երկրորդական շրջանակներով ձևավորվում էին նաև սելևկյան, պարթևական ու հունա-րակտրիական դրամները, և այդ դեկորատիվ տարրերով անգամ երևում է վաղ հայկական դրամների տիպոլոգիական կապը հելլենիստական Արևելքի դրամների հետ:

Ամփոփելով մեր դիտողություններն այս նորահայտ հայկական դրամի վերաբերյալ կարող ենք նշել հետևյալը.

ա. Արտավազգ II-ի այս դրամը նշանակալից լրացում է մինչև օրս մեզ հասած վաղ հայկական դրամների խմբում: Որպես Արտավազգ II-ի շորերդրամյան, սա առաջին արձանագրված ռյուսն է Հայկական ՍՍՏ տերիտորիայում և նրա սահմաններից դուրս:

բ. Չորերդրամյանը վկայում է, որ Արտավազգ II-ի իշխանության 18-րդ տարում հայկական թագի արքայական զարդանշանների մեջ կատարվել են փոփոխություններ. թագի կենտրոնական մասում, մինչ այդ որպես կանոն նշված արծիվների պատկերները փոխարինված են ռուսական (°) կամ մեզ համար դեռևս անորոշ նախշերով:

գ. Դրամի վրա արքայի անունը գրված է սեռական հոլովի հին ձևով APTAΓAZΔΕΩ ի տարբերություն մ. թ. ա. I դ. գործածված սեռական հոլովի առավել բնորոշ ձևի՝ APTAΓAZ-ΔΟΥ:

Հայոց թագավորը իր այս դրամով ներկայացված է ոչ միայն ΒΑΣΙΛΕΩΣ ΒΑΣΙΛΕΩΝ (—արքայից արքայի) անցյալից մեզ հայտնի իր տիտղոսով, այլ նաև ΘΕΙΟΥ (աստվածային) մեծարումով (ածականի սեռական հոլովով), որպիսի ձև մինչ այս չորերդրամյանը չի արձանագրված անտիկ Հայաստանի դրամների վրա:

դ. Ի տարբերություն Արտավազգ II-ի այլ դրամների՝ այս օրինակի երկրորդ երեսի ընդհանուր կոմպոզիցիայի մեջ չի ներկայացված հաղթանակի աստվածուհու պատկերը: Վերջինիս բացակայությամբ թողարկված դրամները, հավանաբար, կազմում են առանձին ենթախումբ Արտավազդի արծաթ դրամների շարքում:

ե. Արտավազգ II-ի օրոք Հայաստանում թողարկված դրամների վրա տարեթիվը նշվում էր ոչ թե սելևկյան տոմարի հաշվով, այլ հայոց արքայի գահակալության տարիների թվով:

Հիմք ընդունելով կատարված տիպոլոգիական փոփոխությունները, բնականորեն հարց է ծագում՝ ինչո՞վ բացատրել նրանց առաջացումը: Նախապես պետք է ասել, որ բացառիկ տրվյալներով դրամագիտական այս վկայությունը թեև հնարավորություն է ընձեռում դատելու այդ փոփոխությունների նշանակության մասին, սակայն, ներկայումս դժվար է որոշակի հետևություն հանգել, քանի որ մեր տրամադրության տակ գտնվում է, շնայած լավ պահպանված, բայց միայն մեկ դրամ: Նկատի ունենալով այն հանգամանքը, որ դրամը, որպես հուշարձան, նշանակալիորեն կապված է երկրի քաղաքական պատմության հետ, հարկ է խորամուխ լինել Արտավազգ II-ի իշխանության 18-րդ տարում Հայաստանում ստեղծված քաղաքական վիճակի մեջ: Հայտնի է, որ Արտավազգ II-ի շուրջ քսանամյա իշխանության տարիները (56—34) Հայաստանի համար եղել են միջազգային բարդ ու վերին աստիճանի լարված իրադրության տարիներ: Գտնվելով երկու հզոր ախոյանների՝ Պարթևական Բրանի և հանրապետական Հռոմի միջև, Հայաստանը մաքառում էր իր գոյության համար, ինչպես ռազմական, այնպես էլ դիվանագիտական հնարավորություններով: Չորերդրամյանը թողարկված է այն ժամանակ, երբ Արտաշեսյանների թագավորությունը գտնվում էր հռոմեական սպառնալիքի ներքո:

Առաջիկայում Արտավազգ II-ի դրամների նոր գյուտերը կարող են մեծապես նպաստել ու լրացնել մեր պատկերացումներն այս շրջանի պատմության վերաբերյալ:

Խ. ՄՈՒՇԵՂՅԱՆ